

HEREKORETANGA WHAKAPONO

He Aratohu Mō Ōu Tika

AOTEAROA



*Me matua mōhio ngā
tāngata me pēhea e noho
ngātahi ai ahakoa ngā
rerekētanga. Ehara i te
mea me whakarere e koe ōu
whakapono; heoi, ko tāna
kē he ngana ki te noho tahi i
runga i te rangimārie me ērā
atu e kore nei e whakapono,
e whakaae rānei ki ngā
whakaakoranga i hua ake ai
aua whakapono.*

TE TIKANGA KŌWHIRINGA WHAKAPONO ME TE KOROPIKO I AOTEAROA

1. He aha te tikanga kōwhiringa whakapono me te koropiko?

Ko te tikanga kōwhiringa whakapono te tikanga, i runga i te ārai kore, kia mau ki tētahi whakapono, kia tīni i tō tētahi whakapono, me tō tētahi tikanga kia kua e mau ki tētahi whakapono. Ko tā te tikanga kōwhiringa whakapono me te koropiko anō hoki:

- He tiaki i tō te tangata tikanga ki te whakaputa ake me te whakaatu i tētahi whakapono i runga i te koropiko, te whakamahi, te whakaako rānei, tangata takitahi, takirōpū rānei, ā, i mua, i muri rānei i te tirohanga tangata.¹
- He tiaki nei i te whakahāweatanga, te uruhitanga, te riri rānei nā runga i tō tētahi whakapono.

2. He aha te tikanga whakapono (whakaaro rānei)?

Koinei te tikanga kia mau, kia whai atu rānei tētahi i ōna ake whakapono, whakaaro o ia āhua, o ia āhua, ā, kia kua e noho i raro i te mana o ngā meatanga e tauaro nei ki ōna ake whakawākanga i ngā mea e tika ana, e hē ana hoki. Kāore e aro noa atu ana te tikanga ki te whakapono. Ka pā atu anō hoki ki te tangata whakapono kore, ki ngā whakapono rānei e whakakore ana i te atua, tae noa atu anō ki ngā kaupapa whakaaro pērā i te whakamārietanga me te whakahētanga i runga i te whakapono ki ngā mahi tū tauā.

1. Wāhanga 15 o te Pire o ngā Tikanga o Aotearoa 1990.

3. He aha ngā ture e tiaki nei i te tikanga kōwhiringa whakapono?

Kua tiakina te tikanga kōwhiringa whakapono i roto o Aotearoa i runga i ētahi momo ture.

Ko Ture o te Pire o ngā Tikanga o Aotearoa 1996:

- E tautoko ana i te tikanga whakaaro o ia āhua, o ia āhua, me te whakapono, tae atu anō ki te tikanga kia mau me te hopu i ngā momo tirohanga i runga i te ārai kore.
- E tiaki ana i te tikanga kia whakaatu i te whakapono i runga i te koropiko, te ū, te whakaako me te whakamahi.
- E tautoko ana i te tikanga kia wātea ai i te whakahāweatanga he mea nā te whakapono, nā ētahi atu āhuatanga rānei.

Te Ture Tikanga Tangata 1993:

- E whakakore ana i te whakahāweatanga i runga i te whakapono o ia āhua, o ia āhua i te mahi, whakawhakanaungatanga ā-umanga, āheinga ki ngā wāhi, waka me ngā whare whakarato, te tuku i ngā mea me ngā mahinga, me te tuku whenua, whare me te whakaruruhautanga.
- E tuku ana i ētahi āhuatanga rerekē hei whakaaro nui ki ngā whakapono (hei tauira. te whakamahi i tētahi kaiako ki roto i tētahi kura whānui, kura tūmatawhāiti rānei).

Ko Te Tiriti o Waitangi anō hoki e tiaki nei i ō te Māori kia ū ai, ā, kia whakamahi i ōna whakapono.

4. He aha te whakapono tūturu o Aotearoa?

Kāore ō Aotearoa whakapono tūturu. E hāpai ake ana i te tikanga kōwhiringa whakapono, koropiko me te whakapono mō ngā tāngata katoa. Nā konā, he maha ngā whakapono kua whakapuamauhia i roto o Aotearoa.

Kei konei tonu ētahi whakarerenga ihotanga Karaitiana i roto i ngā whakaritenga o Aotearoa, ahakoa he taurite whakapono kore ō te nuinga o ēnei mea. Hei tauira, i roto i te mahi oati

awhiteiwhiti, te tuku taunakitanga rānei i roto i te Kōti, e taea ana e te tangata te kōwhiri kia oati i runga i te Paipera, te oati rānei i runga i tētahi atu tuhinga whakapono (pērā i te Qur’an), kia mea rānei i tētahi atu meatanga whakapono kore.

5. He aha ngā mea e taea ana e au te mahi mēnā kua takahia tōku tikanga kōwhiringa whakapono me te koropiko?

Kāore e whakaaengia ana te whakahāweatanga he mea nā te whakapono i raro i te ture o Aotearoa. Ahakoa he whenua whakapono maha a Aotearoa, tērā pea ka tūpono tonu koe ki ētahi tāngata kāore nei e mārama, e tautoko rānei o ō whakapono. Mehemea ka whakahāweatia, ka whakahōhātia rānei koe nā tō whakapono, ka taea e koe te:

- Whakapā atu ki te Komihana Tikanga Tangata, e tuku nei i ngā kōrero āwhina e pā ana ki ngā take e ara ake ana e pā ana ki te Ture Tikanga Tangata 1993, tae noa ki ngā whakahāweatanga tērā pea ka puta mai. Mehemea e tika ana, ka taea e te Komihana te mahi tahi ki tērā atu rōpū kia tau ai tō raruraru, mā te noho hei kaitakawaenga anō hoki.
- Kawea mai tētahi kerēme ki mua i te aroaro o te Taraipiunara Arotake Tikanga Tangata. Kei konei ētahi rongoā mehemea ka kitea e te Taraipiunara i tētahi takahanga iho i te Ture Tikanga Tangata 1993, tae noa ki tētahi whakapuakitanga takahi, he whakahau e ārai atu ana i te whanonga, me ngā mamaetanga.
- Waea atu, peka atu rānei ki tō ake taiwhanga Pirihimana. He hara mauāhara ngā mahinga tai e meatia ana i runga i tō tētahi riri ki tō tētahi atu whakapono. Ka rangahau iho ngā Pirihimana i ēnei momo meatanga, ā, ka ngana ki te mahi i ā rātou katoa e taea ai ki te āwhina i ngā pārurenga kia haumaruru ai, ā, kia rongo ai i te haumarutanga. E mahi tahi ana ngā Pirihimana me ngā māngai o ngā huihuinga ā-iwi me ngā rōpū e pērā ana i te Komihana Tikanga Tangata hei tiaki i ngā tikanga o ngā hapori katoa i Aotearoa.

TE WHAKAPONO I TE TAPAWHĀ TŪMATAWHĀNUI

6. E āhei ana i ahau te whakaputa ake i ōku whakaaro whakapono i mua i te tirohanga tangata?

Āe. E hāngai atu ana te tikanga kia whakaputa ake i tētahi whakapono ki te koropikotanga, te ū me te whakaako atu i tō tētahi whakapono i waenganui i te huinga tāngata, koia anake rānei, i mua, i muri rānei i te tirohanga tangata.

Heoi anō, ka taea te whakatau iho i ngā rohenga kia pēhea e whakaputa ake ai te whakapono, i runga pū anō i ngā take e pā ana ki te haumarutanga o ngā tāngata katoa, mehemea rānei ka raru ō ētahi atu tikanga. Me hāngai tōtika atu aua momo whakarohenga, ā, me rite ki te rahi o te hiahia e tohua mai ana. Kāore e taea ana te whakatau i ngā whakarohenga i runga i te take whakahāwea, e whakamahia rānei i runga i te whakaaro whakahāwea.

7. Ka taea e au te kōrero atu, te kauhau atu rānei i ōku whakapono ki ētahi atu?

Āe. E hāngai ana anō hoki te tikanga ki te whakaatu i tētahi whakapono ki:

- Te tuhituhi, te whakaputa, me te whakawhānui atu i ngā whakaputanga e tika ana.
- Te whakaako i tētahi whakapono, i mua, i muri rānei i te tirohanga tangata.

8. Ka taea e au te uru atu ki roto i tētahi huihuinga, whakaritenga whakapono rānei?

Āe. Kei ngā tāngata katoa o Aotearoa te tikanga ki te whakapā atu, ki te uru atu rānei ki roto i ngā huihuinga whakapono. Hāunga ko ngā āhuatanga tamariki, kāore he whakarohenga e aukati atu ana i tā tētahi urunga atu, whakapānga atu rānei ki tētahi rōpū whakapono.

Ka noho tonu ngā tamariki heke ihio ana i te 16 te pakeke i raro i te maru o ō rātou mātua. Me whakaae tuatahi mai ngā mātua e rua ki ētahi o ngā tikanga whakapono (hei tauira. rumakitanga) i mua i te meatanga ake i tērā kia rite ai ki te ture.

9. Ko wai ngā mana kāwanatanga e tirohia nei ngā huinga whakapono?

Kāore ngā huinga whakapono tirohia ana i roto o Aotearoa, ā, ehara i te mea me rēhita kia haere ake ā rātou mahi. Nā konā, kāore i reira tētahi tari kāwanatanga hei tiroiro ake i ngā whakapono.

Ka taea e ngā huinga whakapono te rēhita ake hei manatōpū, hei poari ohaoha rānei. Ka tirohia ngā manatōpū e te Rēhitatanga o ngā Manatōpū, mā konei mea ai rātou kia tukuna ake ai ngā momo pūrongo pērā i ngā rīpoata pūtea. Ke tirohia ake ngā poari ohaoha e ngā Wahakarātanga Ohaoha, e wāhanga anō tērā nō te Tari Taiwhenua. Hei āpiti atu i ētahi atu mea, me tuku atu ngā poari ohaoha i ngā rīpoata ā-tau. Hei āpiti atu i te whakamahi rīpoata, ka tuku atu te Whakarātanga Ohaoha i ngā tautoko mātauranga me ngā kōrero āwhina ki ngā ohaoha kua rēhita iho nei.

KO TE TIKANGA KŌWHIRINGA WHAKAPONO I TE WĀHI MAHI

10. He aha ngā herenga o te tikanga kōwhiringa whakapono i roto i te hononga i waenganui i te kaiwhakamahi me te kaimahi?

Ka tiaki te Ture o te Pire Tikanga o ngā Tangata o Aotearoa 1993, te Ture Tikanga Tangata 1993, me te Ture Whakawhanaungatanga ā-Mahi 2000 i ngā kaimahi kei whakahāweatia i roto i te wāhi mahi nā runga i tōna whakapono. E tika ana kia mahi tahi ngā kaiwhakamahi i runga i te whakaaro pai hei āwhina i ngā mātāpono whakapono a te kaimahi mehemea kāore e raru ana i ngā mahi a te kaiwhakamahi.

Kua whakaritea nei ngā arapiki mā ngā kaimahi i ngā āhukatanga kua whakahāweatia rātou, i ngā wā rānei kāore i whakaritea he huarahi mahi e aro atu nei ki ō rātou whakapono, tae noa atu ki te kawenga mai i te mamae ki ō rātou kaiwhakamahi.

11. He aha te hononga i waenganui i te tikanga kōwhiringa whakapono me ngā hāora mahi?

I ngā āhukatanga e tika ana kia whai atu te kaimahi i tētahi mahinga (hei tauira. kia kua e mahi i ētahi rangi, wā rānei, ngā wā karakia), e tika ana kia tautoko te kaiwhakamahi i taua whakamahinga ki te kore e raru i ngā mahi a te kaiwhakamahi.²

Ahakoia me aro atu te kaiwhakamahi ki ngā meatanga whakapono a te kaimahi, ehara i te mea ka tutuki rawa atu i ō te kaimahi meatanga whakapono. Hei tauira, tērā pea kāore e taea ana e te kaimahi te tuku karakia i te wā e tika ana, i te wāhi tika rānei e ai ki tōna whakapono he mea nā ngā tikanga whakahaere o te mahi. Me kōrerotahi ngā kaimahi ki ō rātou kaiwhakamahi i mua noa atu kia whai wā anō rātou ki te whakarite huarahi hei tutuki i tā te kaimahi i tono ai.

12. Ka taea e au te mau kākahu whakapono ki te mahi, ki te whakakore rānei ki te mau i tētahi wāhanga o te pueru mahi nā runga i ōku whakapono?

Āe. Ka tau iho anō ēnei momo āhukatanga i raro i tā te kaiwhakamahi haepapa kia ngana ki te tārai huarahi e tautoko ai i tō te kaimahi whakapono. I ngā āhukatanga maha, ka whakaaengia ngā kākahu whakapono i runga i tētahi āhukatanga e kore nei e raru i ngā mahi a te kaiwhakamahi. Heoi anō, kāore e tino whakaengia ana ētahi huarahi tautoko e tauaro nei ki te oranga me te haumarutanga o te kaimahi, o ētahi atu rānei.

2. Wāhanga 28(3) o te Pire Tikanga Tangata 1993.

KO TE TIKANGA KŌWHIRINGA WHAKAPONO I ROTO I NGĀ KURA

13. Ka taea te whakatū i ētahi akoranga whakapono i roto i ngā kura tūmatawhānui?

Ka ngā kura kāwanatanga te tikanga, engari ehara io te mea me tuku i ngā akoranga whakapono. I ngā wāhi e tukuna atu ai ngā akoranga whakapono, ka whakatakotohia iho ngā haepapa e te Ture o te Mātauranga me te Whakangungutanga 2020 me tutuki.

Ki te taha ki ngā kura taitamariki me ngā kura takawaenga o te kāwana (ngā tau 1-8), me kua e whakaako i ngā akoranga whakapono i ngā wā e tūwhera ana te kura. I runga i tō te whakatau a te pōari kura, e taea ana kia aukati te kura mō te hāora kotahi i ia wiki (me ngā hāora e rua tekau i tētahi tau kura) mō ngā whakaakoranga whakapono, mō te karakia rānei. Me whakahaere ngā whakaakoranga, ngā karakia rānei e ngā kaimahi aroha kua whakaaehia e te poari o te kura.³

I te taha ki ētahi atu kura, tae noa atu ki ngā kura tūmatawhāiti me ngā kura tuarua o te kāwanatanga (ngā tau 9-13), ka taea te tuku atu i te whakaakoranga whakapono e wātea ana i ngā whakarohenga i runga ake nei. Heoi anō, me ū atu ngā kura katoa ki te Ture o te Pire o ngā Tikanga 1990 o Aotearoa me te Ture Tikanga Tangata 1993. Me tiaki ngā whakaakoranga whakapono katoa i ngā tikanga o ngā tauira rerekē tokomaha, ā, me kua e whakahāwea tangata i runga i te whakaaro ki te whakapono.

3. Ngā wāhanga 55-60 o te Pire Mātauranga me te Whakangungutanga 2020.

14. Me haere atu ngā tauira ki ngā huinga whakapono, ki ngā karakia whakapono rānei i roto i ō rātou kura?

Kāore. Ka meatia ngā whakaakoranga whakapono me ngā karakia whakapono i roto i ngā kura taitamariki me ngā kura takawaenga o te kāwanatanga i runga i te tikanga kōwhiri, ka toro atu anake ngā tauira mehemea kua tino whakaae ō rātou mātua kia pērāhia ai.

I roto i ngā kura tūmatawhāiti me ngā kura tuarua o te kāwanatanga e taea ana e ngā tauira te kōwhiri kia kua e haere ki ngā whakaakoranga whakapono, ki ngā karakia whakapono rānei, e tika ana kia whakahōnore ngā kura i tērā tono i runga i te ngākau whakahāwea kore.

15. Kei ngā tauira te tikanga kia kore e haere atu ki ngā momo mahi kura i runga i Rātou whakapono?

I ai ki te ture, me rēhita, ā, me haere ngā tamariki katoa i waenganui i ngā tau e ono tae noa ki te tekau mā ono ki te kura hāunga te hunga kua whakaaengia kia kua e pērāhia (hei tauira. mō te kura kāinga). Ki te kore tētahi tauira e hiahia ana ki te haere ki te kura he mea nō tōna whakapono, me rapu ia i te whakaaetanga tika, ā, me whai huarahi mātauranga kē ia.

Ki te taha ki ngā momo mahi, e taea ana e ngā tauira, e ō rātou mātua rānei te tango i ā rātou tauira i runga i ngā tikanga whakapono. Mehemea kua tukuna tētahi kōrero pai hei tautoko i taua tono e hono ana ki te tikanga whakapono e tonoa ana, ka whakaaehia aua momo tono i te nuinga o te wā. Me whakawhiti kōrero ngā mātua me ngā tauira ki te rōpū arataki o te kura kia kōrerohia ai ngā take pērā.

16. E taea ana e ngā tauira te raweke i ngā pueru kura nō runga i ō rātou whakapono?

Kāore e whakaae ana kia whakahāwea ai ngā kura i ngā tauira i runga i te tūāpapa o te whakapono me te ahurea. I te nuinga o te wā mēnā e hiahia ana tētahi tauira ki te raweke i te pueru kura i runga i ngā tikanga whakapono, i ngā tikanga ahurea rānei ka whakaaehia.

Tērā pea ka tono ngā kura i te tauira kia hoatu ai ētahi taunakitanga ki tētahi take whakapono, take ahurea rānei mō te tono raweke pueru kura. Anō, mā te kōrero tahi ki te rōpū arataki o te kura e aro atu ai ki aua momo take.

MAHI TŪ TAUĀ ME TE MAHI TŪMATAWHĀNUI

17. He ture whakauru tū tauā, whakauru rānei i te mahi tūmatawhānui, mehemea āe, he whakawāteatanga whakapono?

Kāore he ture whakaurunga tū tauā i roto o Aotearoa mai i te tau 1972. Kei ngā tāngata katoa te tikanga kia uru atu ai ki roto i ngā mahi tū tauā i roto rānei i te mahi tūmatawhānui.

Tauira, e ō rātou mātua rānei te tango i ā rātou tauira i runga i ngā tikanga whakapono. Mehemea kua tukuna tētahi kōrero pai hei tautoko i taua tono e hono ana ki te tikanga whakapono e tonoa ana, ka whakaaehia aua momo tono i te nuinga o te wā. Me whakawhiti kōrero ngā mātua me ngā tauira ki te rōpū arataki o te kura kia kōrerohia ai ngā take pērā.

TE WHAKAPONO ME TE TIKA

18. E taea ana e au te whakakore atu i te mahi oati i runga i tōku whakapono?

Āe. I roto i ngā whakahaeretanga ā-ture i Aotearoa nei, i roto anō i te whakaritenga o ngā awhiteiwhiti, kei te kaiwhakaatu, te kaituku awhiteiwhiti rānei te tikanga kia meatia te oati i runga i te Paipera (i runga rānei i tētahi atu tuhinga whakapono pērā i te Qur'an) te mea rānei i tētahi meatanga whakjapono kore.

19. E taea ana e ngā kaiwhakawā te whakatau i tētahi whakawākanga i runga i ōna whakapono?

Kāore. Me whakawā, me mahi rānei i ngā whakawākanga katoa me ngā mahi katoa i runga i te kore whakapai kanohi, i runga rānei i te whakaaro ki te iwi, tōna tānetanga, i tōna wahinetanga rānei, te whakapono, i runga rānei i ētahi atu āhuetanga. Me motuhake te kaiwhakawā kia meatia ōna whakawā tika. Me kaua e whakaaweawe tā te kaiwhakawā whakatau i ētahi mea hāunga ko te ture e hāngai ana ki te take me ngā taunakitanga e kawea mai ai ki mua i te aroaro i roto i te kēhi.

20. He tiakanga i reira mō ngā kōrero i kōrerohia munahia ai ki ngā kaiārahi whakapono?

I raro i te ture o Aotearoa, kei te tangata te tikanga e hāngai ana ki ngā kōrero katoa ki tētahi minita whakapono mehemea i pēnei te kōrero:

- Kua meatia munahia ki/e tētahi minita i raro i tō te minita mahi hei minita whakapono; ā
- mēnā i meatia i runga i te whakaaro kia whakawhiwhi te tangata i ngā kōrero āwhina ā-whakapono, ā-wairua, hei painga, hei whakaiōtanga rānei.⁴

Ka taea e te kaiwhakawā te whakakore i tētahi kerēme mehemea e pai ana ki a ia, nā, kua meatia te kōrero e whakawākia ana i runga i te tinihanga, i runga rānei i te kōkiritanga o tētahi hara ki te ture.⁵

4. Wāhanga 58 o te Pire Taunakitanga 2006.

5. Wāhanga 67 o te Pire Taunakitanga 2006.

KO TE WAIHANGA I TE MĀRAMATANGA ŌRITE

I te mea he tangata tātou, kei a tātou te mana hei kōwhiri, hei tuku, me te mahi e rite ana ki ō tātou e whakapono nei. Ko tā te nuinga o tātou ka puritia tapuhia e tātou ō tātou kōwhiringa me ō tātou whakapono hei mātāpono arataki i roto i ō tātou orange. He pērā i tā tātou whaiwhakaaro nui ki ō tātou tikanga whakapono, me whai whakaaro nui anō e tātou i ngā tikanga kōwhiringa whakapono o ngā tāngata katoa. Me pēhea tātou e whāngai atu ai ngā tikanga kōwhiringa whakapono i roto i ō tātou hapori i runga i tā tātou mōhiotanga ki te hiranga nui o ēnei tikanga. Mā hea kimi tūranga taurite ai tātou i a tātou e whakawhitiwhiti kōrero ana ki ngā tāngata e rerekē ana ō rātou whakapono?

Mā ēnei rautaki e whai ake nei e āwhina ai kia waihanga i te māramatanga ōrite i roto i tō ake hapori:

Kia Mātau

Me matua mōhio, ā, me matua mārama hoki koe ki ngā tikanga me ngā mātāpono taketake o te tikanga kōwhiringa whakapono i mua noa atu i tō ngana ki te tiaki i ōu ake tikanga whakapono me ōu ētahi atu. Kei roto i tēnei pukapuka iti ētahi kōrero e hāngai ana ki ōu tikanga kōwhiringa whakapono me ngā tikanga taketake anō o te tikanga kōwhiringa whakapono. Whai atu koe kia mārama ai ki ngā whakarerekētanga ki ngā tikanga kōwhiringa whakapono mā te mātakitaki i ngā pūrongo kōrero i runga pouaka whakaata e pā atu ai pea ki aua tikanga rā.

Whakarongo ki ngā Taha Katoa

Me whakarongo atu, ā, me aro atu ki ngā whakapono o ētahi atu. Ahakoa kāore koe e whakaae ana ki te whakapono, ki ngā ākinga rānei o tētahi atu, me aro tōtika atu tō kaha kia mārama ai, ā, kia whaiwhakaaro ai ki tōna tirohanga. He maha ngā mea e raweke ai i ngā kupu, whakapono me ngā mahinga e mea ai te tangata. Me āta aro atu ki ngā kare ā-roto o ētahi atu i a koe e whakamārama atu ai ki a rātou i tō tirohanga, me inoi atu kia kaua rātou e puku te rae i runga i te rongō ki ōu tikanga whakapono tūturu.

Me Parakatihi kia Mauritu

E noho tahi ai tātou hei hāpori kotahi ahakoa te tini o ngā whakapono rerekē kei waenga i a tātou. Me kaua e tutū puehu i āu kōrero e pā ana ki ngā kaupapa nui. Me whaiwhakaaro ngā tāngata katoa ki ngā tāngata katoa me te whai kia tika, kia taurite. Me mauritu koe ahakoa kāore i puta ake he hua pai i āu kōrero. Me mahara kia whakaparahako atu i te whakahāweatanga o ia āhua, o ia āhua, arā, ko ngā whakahāweatanga e meatia ai i runga i te iwi, te whakapapa, te whakapono, te whakaponokore rānei, me ngā rerekētanga o te aronga taera.

Whakatairangatia te Manawanui

Me matua mōhio ngā tāngata me pēhea e noho ngātahi ai ahakoa ngā rerekētanga. Ehara i te mea me whakarere e koe ōu whakapono; heoi, ko tāna kē he ngana ki te noho tahi i runga i te rangimārie me ērā atu e kore nei e whakapono, e whakaae rānei ki ngā whakaakoranga i hua ake ai aua whakapono. Me ngana ki te whakaako i ngā mātāpono me ngā whanonga ki te hunga e karapotia nei koe i runga i tētahi āhuatanga e kore nei e whakamamae atu, e mea ai kia pāmamao atu rātou i a rātou anō i a koe.

Waihangatia ngā Herenga Whakanaungatanga Kaha

Waihangatia ake ngā herenga whanaungatanga i waenganui i tō hāpori, i waenganui i ngā tāngata e rerekē nei ō rātou whakapono. Ka nui ake tō kaha ki te tiaki i ngā tikanga o ētahi atu i runga i tētahi āhuatanga e whaihua katoa ai ngā tāngata katoa i a

koe e whiriwhiri ana i te herenga whanaungatanga me te mārama tētahi me tētahi ki ngā whakapono katoa i roto i a koutou. Me aro atu ki ngā mea e taurite ana i waenganui i a koutou ko ōu kiritata, me ōu hoa. Kātahi, i a koutou e mahi tahi ana, me kōrero atu mō te whakapono me te hiranga nui o te tikanga kōwhiringa whakapono.

KO TE TIKANGA KŌWHIRINGA WHAKAPONO I ROTO I TE TURE Ā-AO

Hei āpiti atu i te tiakanga i te tikanga kōwhiringa whakapono i ia whenua, i ia whenua, kei konā anō ētahi taputapu ā-ao, ētahi tuhinga ā-ture rānei hei tiaki i tēnei tikanga. I te tau 1948, i whakaputaina mai e te Whakapuakitanga Whānui o ngā Tikanga Tangata te tikanga whakapono me te tikanga whakaaro. Nō taua wā, kua whakawhanaketia ake ngā momo kawenata me ngā momo huarahi hei whakapumau, ā, hei whakawhanake i tēnei tikanga i runga i te taumata ā-ao.

He aha ngā tiakanga mōku i raro i te ture ā-ao?

E ai ki ngā taputapu ā-ao he taurite ngā tāngata katoa i raro i te ture, ahakoa tō rātou whakapono. Ka mea anō ēnei ture, nā, me kua tētahi e tūkinotia i runga i te whakaaro ki tōna whakapono i te mea he hara tēnei ki te mana tangata, ā, kua whakahēngia hei takahitanga i ngā tikanga tangata me ngā tikanga kōwhiringa tūāpapa.

He aha ngā tikanga kōwhiringa i roto nei i ēnei taputapu ā-ao?

- **Te tikanga whakaaro, me te whakapono**

Kei raro i tēnei tikanga te tikanga whakaaro i runga i ngā kaupapa katoa, te tikanga ki te whakapono, te tikanga ū ki tētahi whakapono, me te tikanga whakapono ā-tangata. Kāore ōna rohenga e pā ana ki te tikanga kia mau, kia whāngai rānei i tētahi whakapono, i tētahi whakapono rānei e kōwhiria ai e te tangata. Kāore

e taea ana kia meatia tētahi kia huraina ake ai ōna ake whakaaro, ā, kia ū rānei ki tētahi whakapono.

- **Te tikanga ki te tini whakapono.**

Kei ngā tāngata katoa te tikanga ki te whakarere atu i tōna ake whakapono me te whāngai atu i tētahi atu, kia noho tonu rānei i runga i te whakapono kore. Kāore e whakaaengia ana te whakapā ā-ringa, te whaina whakamana, ngā tikanga, ngā mahinga rānei e āia ai te tangata kia whāngai, kia tīni, kia mau rānei ki tētahi whakapono kāore e whakaengia ana.

- **Te tikanga ki te mahi me te whakapuaki i tō whakapono, takitahi, takirōpū rānei, i mua, i muri hoki i te tirohanga tangata.**

Kei ngā tāngata katoa te tikanga kia whakaatu atu me te tuku atu i tōna whakapono i runga i te rangimārie ki ētahi atu kāore he tikanga kia whakaaehia e te Kāwana, e ētahi atu huihuinga whakapono rānei. Ehara i te mea nō ngā mema o ngā huihuinga whakapono anake tēnei tikanga. Waihoki, me kua e whakahau i ngā huihuinga whakapono kia rēhita e pā ai ki ēnei tikanga.

- **Te tikanga kia whakaatu i tōu whakapono mā roto i te whakaako, whakamahi, koropiko, me te tākare.**

- **He maha ngā mahinga e hāngai ana ki te tikanga kia whakaatu i tōu whakapono i runga i te koropiko, te tākare, te whakamahi me te whakaako:**

- E hāngai atu ana te koropiko ki ngā tikanga tapu me ngā kawa e pā atu nei ki te whakaputanga i tō whakapono, me ngā meatanga anō e whakahira ana i roto i aua āhuatanga, tae atu ana ki te waihangananga o ngā wāhi koropiko, te whakamahinga i ngā tikanga tapu me ngā mea, te whakaatu i ngā tohu, me te aronga atu ki ngā momo hararei me ngā rangi whakatā.

- E noho ana anō i raro i te maru o te whakamahi me te whakaako i te whakapono ngā meatanga whakahirahira ki tōna whakahaeretanga a ngā huihuinga whakapono i ā rātou āhuetanga, pērā i te tikanga kia kōwhiri i ō rātou kaiārahi whakapono, ō rātou pirīhi me ō rātou kaiako; te tikanga kia whakapumauhia ngā hemanari, ngā kura rānei, me te tikanga kia whakarite, ā, kia tohatohaina atu ngā tuinga whakapono, ngā whakaputanga whakapono rānei.
- **Te tikanga o ngā mātua me ngā kaitiaki kia uru atu i ā rātou tamariki, akonga rānei ki roto i ngā mātauranga whakapono e hāngai ana ki ō rātou ake whakaaro.**

Kei ngā tamariki te tikanga kia whakapā atu ki te mātauranga whakapono e rite ana ki ō rātou hiahia, whakapono, whakaaro rānei o ō rātou mātua. Waihoki, me kua ngā tamariki e mea kia whiwhi ai i te whakaakoranga whakapono e tauaro atu nei ki te hiahia o ō rātou mātua, kaitiaki rānei. Me akiaki te Kāwana, e rite nei ki ngā mātāpono hei painga nui mō te tamaiti, kia hāngai ake ai te āhuetanga o te kura kia manawanui ai ki ngā whakapono me te whakatairanga ake i te whakaaro nui ki te ngā whakapono maha me ngā whakapono rerekē.

He rohenga ō tikanga?

Āe. Kei reira ētahi rohenga kua meatia nei e te ture, ko tāna he tiaki i te oranga tūmatawhānui, whakahaeretanga, oranga, mātāpono, me ngā tikanga taketake o ētahi atu. Heoi anō, kāore e taea ana te whakauru i ngā āraitanga i runga i te wairua whakahāwea, i runga rānei i te āhuetanga whakahāwea.



GO-HRE | GENEVA OFFICE FOR HUMAN RIGHTS EDUCATION



INTERNATIONAL RELIGIOUS LIBERTY ASSOCIATION



International Society



RELIGIOUS FREEDOM & BUSINESS FOUNDATION

FAITH & BUSINESS BUILD A BETTER WORLD